

დიუსიდოროვის ბაზრობა

მათ, ვისაც ზაფხულში საუკეთესოდ ჩაცმა-დახურვის სურვილი აქვთ, დიუსიდოროვის ბაზრობაზე დიდებული შანსი ეძლევათ - CPD Woman&Man-ზე მამაკაცისა და ქალის ტანსაცმლის უზარმაზარი არჩევანია. ბაზრობაში 39 ქვეყნის 2000-მდე წარმომადგენელი იღებს მონაწილეობას. კოლექციები 2003 წლის გაზაფხულსა და ზაფხულს ეძღვნება.

წარმოდგენილ სახელებს შორის იქნება იტალიის საოჯახო სანარმო "ბრიონი", რომლის უფროსს, უმბერტო ანჯელონის, საზეიმოდ გადაეცა ჯილდო European Fashion Diamond 2002, "მსოფლიოში ევროპული მოდის პოპულარიზაციის საქმეში შეტანილი განსაკუთრებული წვლილისათვის".

თორმეტი წელია, რაც ანჯელონის ცხოვრება განუწყრელადაა მოდასთან დაკავშირებული. 50 წლის წინათ დაფუძნებული "ბრიონის" ფირმის ტანისამოსი, მისი წყალობით, ყოველი მომხმარებლისათვის სასურველი და პრესტიჟული გახდა. მხოლოდ რამდენიმე მუდმივი კლიენტის ჩამოთვლაც საკმარისი იქნება: გაეროს გენერალური მდივანი კოფი ანანი, დაიმლერ-კრასლერის ხელმძღვანელი იურგენ შრემპი, ფედერალური კანცლერი გერჰარდ შრიოდერი, სამხრეთ აფრიკის ყოფილი პრეზიდენტი ნელსონ მანდელა. ჯეიმს ბონდიც კი უკანასკნელ ფილმში ბრიონის ფირმის ტანსაცმელში მოგვევლინება.

ბაზრობის დამთავალიერებლებს შეუძლიათ სათანადოდ მოემზადონ მომავალი წლის ზაფხულისათვის. ქალბატონების საყურადღებოდ: მოდაში იქნება თეთრი ტილოს ტანსაცმელი, ბოშური მოტივები, დიდი დეკოლტე, სწორი შარვლები. 60-იანი და 70-იანი წლების მოდაც აქტუალური ხდება: შხამიანი ყვითელი და მწვანე და იასამნისფერი ტონები, დიდი ყვავილები და ფერად-ფერადი, კობლებიანი კაბები.

მელ გიბსონის ახალი ჰიტი

სათავეგადასავლო თრილერმა Signs, რომელშიც მთავარ როლს მელ გიბსონი თამაშობს, ამერიკელი კინომაყურებელის დიდი ალტაცება გამოიწვია. ფილმის პრემიერა პარასკევს შედგა, ხოლო კვირა საღამოს ცნობილი გახდა პირველი შედეგები: საშინელებათა და, ამავე დროს, ძალიან სასაცილო ფილმის ჩვენებამ უკვე 60,3 მილიონი დოლარი მოიტანა.

მეფე სასახლეში დაბრუნდა

ავლანეთის ყოფილი მეფე, 87 წლის ზაპირ შაჰი, ქაბულში მეფის სასახლეში დაბრუნდა. 29 წლის წინათ განდევნილ ხელმწიფეს დღეს ქვეშევრდომებისიხარულით ეგებებიან: "მოხარულნი ვართ, რომ დაგვიბრუნდა და დარჩენილ წლებს ჩვენთან გაატარებს."-ამბობენ ისინი.

მონღოლეთში 54-მეტრიან აინგისხანს დააბაჟენ

მონღოლეთში დამთავრდა კონკურსი, რომელსაც ჩინგისხანისადმი მიძღვნილი საუკეთესო მემორიალური კომპლექსის პროექტი უნდა გამოეგლინა. კომპლექსი ულან-ბატორის ცენტრში არსებულ დასვენებისა და კულტურის პარკში აშენდება და ყველაზე გრანდიოზული ნაგებობა იქნება მონღოლეთის დედაქალაქში. წრიული კოლონადის ცენტრში აღიმართება 54-მეტრიანი ჩინგისხანის ქანდაკება. მემორიალის აშენებას 19 მილიონი დოლარი დასჭირდება. არქიტექტორულ კომპლექსში შევა ისტორიული მუზეუმები, წარმოდგენილი იქნება 37 მონღოლელი ხანის ცხოვრების და მმართველობის ამსახველი მასალა. გამარჯვებული ავტორების ჩანაფიქრით, მემორიალური კომპლექსი ნაციონალური ხუროთმოძღვრების ტრადიციებს და თანამედროვე არქიტექტურის მიღწევებს გამოიყენებს.

წელს მონღოლეთი ჩინგისხანის დაბადების 840-წლისთავს აღნიშნავს. საიუბილეო დღესასწაული და მემორიალური კომპლექსის ფუნდამენტის მშენებლობა მაისში დაიწყო.

ექძვება პრინცესა დაიანას

ლონდონის ჰაიდ პარკში, ხუთი წლის წინათ დაღუპული პრინცესა დაიანას ხსოვნის უკვდავსაყოფად, შადრევანი გაკეთდება. მრავალწლიანი კამათის შემდეგ კონკურსში შეერთებული შტატების ლანდშაფტის არქიტექტორთა ჯგუფმა გაიმარჯვა. შადრევანი 2003 წლის აგვისტოში უნდა იყოს მზად. პროექტის ღირებულება სამი მილიონი გირვანქა სტერლინგია.



